

*Thef. XXXVI.* Medicamentorum porrò præparationes, Labores, & processus esse diversos, non nego, quod autem sola præparationis diversitas, & singularitas *Singulare* statim dictum, & novum Medicamentum efficiat, omninò nego; cum enim *facilius sit, inventa corrigere, quam nova inveniri*, non video, cur sola præparationis correctio debeat statim esse, & dici novi medicamenti, vel *Singularis* inventio; Præsertim, cum tantum absit, ut hæc sola *Singularis* dicti naturam exhaustiat, ut potius omnibus in universum *Medicis* communis esse soleat; quot enim capita, tot sensus; &, qui nostris, quæ hæc Seculi felicitate prostant, *Officinalibus*, vel addere quicquam, vel detrahere, vel quovis modo, si ex arrogantia stimulo velit, corrigere eadem nesciat, quid tandem ille sciat, quid sapiat, ipse nescio; hoc verò scio, & fateor, quod si *Eruditus Medicus*, & *Exercitatus Practicus*, ex multo rerum usu quicquam habeat, quod circa hoc vel illud *Officinale*, ipsiusque vel ingredientia, vel præparandi *Rationem*, vel commodum utendi modum, *in salutem agrotantis proximi*, notari possit, dicere illud, notare, & corrigere, conscientia juxta quam officii ratione, teneatur.

*Thef. XXXVII.* Hæc autem Remedia, quæ, cum alia legitime adhibita Medicamenta quam plurima nihil planè, ut ajunt, in hujus, vel illius morbi curatione, efficere potuerunt, agrotantes sola restituisse dicuntur; hæc, inquam, laudarem; hæc magni facerem; hæc pro verè *Singularibus* omninò habenda esse, censerem; nisi istud me moveret, quod restituisse dicantur; quæ ex præconcepta quadam opinione, affectu, & confidentia, ita esse creduntur, vera tamen non sint, difficilè proinde hoc ipsum quoque æstimarem Judicium; hoc enim illorum, qui *Singularia* crepant, ut plurimum est *PROPRIUM*, ut, cum suâ ducantur opinione, quemcunque bonum Curationis eventum, & effectum, solis suis adscribant *Singularibus*; de quo tamen sub iudice lis est.

*Thef. XXXVIII.* Præterea quòd occasione *Singularium* dictorum *Chymia* magis, magisque excolatur, multisque proinde Naturæ Arcanâ, & Penetralia intimius scrutandi, ansa suppeditetur, id, cæteris quidem paribus, facilè largior; Fuerunt enim, & jam dum sunt plurimi, qui, cum persuasum sibi haberent, Hunc, vel illum, occasione hujus, vel illius *Singularis* dicti, in summam, apud agrotantes, & quosvis Alios, venisse gratiam, & existimationem, & ipsi strenuam *Chymia* navare operam, cœperunt, & eo quidem successu, ut, non sine insigni *Reipublicæ Medicæ* incrementò juxta, quam publica multorum agrotantium salute, tot Medicamenta componendi, composita corrigendi, augendi, meliorandi, & rectificandi vias, totque egregios Processus ingeniosè satis invenirent, studiosamque juventutem in *Academiis* hac in *Artis* parte informare, atque ad eò Bono Publico optimè consulere allaborarent; Ast verò, quot pessimos *Abusus* hujus *Artis* interea produxerit abortus, experimur quotidie; vix enim vigesimum invenies, qui talentum suum Bono mancipet *Publico*; Omnes quidem, sub specioso *Chymia* excolendæ prætextu, *Publico* aureos pollicentur Montes, pauci verò *Singularis* quicquam præstant, & si quid præstant, sibi servant, adeoque non *Publicum*, sed *Privatum* quærunt

commodum, Omnes *Chymiam* deprædicant, & *Chymicos* se esse jactitant, cum tamen *Nobilissimam Artem*, laboribus suis potius prostituunt, ac vix umbram, nec dicam Characterem (quos Excellentissimus *Rolsinckius* recenset) vel notam *lib. 1. Chym. in Artibus redacta.* Veri *Chymici* præ se ferre videntur; Et hinc evenit, ut sordidus tandem *Agyrta*, & Circumforaneus quilibet, *Chymiam* eructet, & *Singularia* exclamitet: ô mores! ô tempora!

*Thef. XXXIX.* Magnam autem esse simplicitatem, *Rationem* singularitatis quærere, quâ hoc, vel illud *Singulare*, huic, vel illi per affectum remedi dicitur, vix concedet, cui stat *Ratio*; *Rationalis* enim *Medicus*, quicquid agit, ejusdem rationem reddere tenetur, si fundamentalis est, &posito, esse *Medicum*, qui uno, vel altero *Singulari* hunc, vel illum curavit affectum, nihilominus tamen operationis rationem reddere potest, absque omni præjudicio, etiamsi *Singulare* ipsum nec dicat, nec revelet; ita, ut, quibus, rationem *Singularitatis* quærere, sit *simplicitas*, illorum *Singularia* videantur esse figmentum, & *Vanitas*.

*Thef. XL.* Omninò verò necessarium est, ut *Singulare* quodlibet à suo *Indicante speciali* indicetur; scilicet, si illud à *Rationali*, & *Methodico* adhibeatur *Medico*; *Methodicus* enim *Medicus*, in Morborum Curatione; non acquiescit in *Indicantis generalis* apprehensione, sed, ex *Medendi Methodo*, *specialia* insuper quærunt *Indicantia*, utpote, quæ Curationem propius respiciunt, & ipsa *Auxilia*, & *Curandi Media*, digito quasi monstrant, ac indicant; quorum materiam tandem facile invenire poterit, qui peritus in *Arte*, & exercitatus est.

*Thef. XLI.* Et tandem merum esse somnium, fateor, dum dicunt, eos tantum sinistra sentire de *Arcanis*, & *Singularibus*, qui vel *Chymiam* ipsi non exercent, vel eandem planè non intelligunt; Sicut enim aliàs, *ab Esse, ad Possesse, non datur consequentia*; Sic falsissimum, & absurdum planè est, dicere: Hic *Chymiam* Ipse non exercet, E. *Chymiam* non intelligit; Sic quale absurdum esset, si dicerem: Hic *Medicus* cadavera Ipse non dissecat, E. *Anatomiam* ignorat; Hic venam Ipse non secat; luxata Ipse non reponit ossa; vulnera, & ulcera Ipse non tractat &c. E. *Chirurgiam* non intelligit; & sic deinceps; Cum enim, ex tripode dixisse *Hippocratem*, vitum fuerit *Veteribus*, quod *vita brevis, Ars* verò *longa* sit, prudenti juxta consilio, quam summo *Posteritatis* commodo, *Artem Medicam* in *Partes Principes*, & *Ministras* dictas, dividere, decrevum, & statutum est; Eum quidem in anem, ut, cum *vita* nostræ *Brevitas*, in comparatione, & proportionem ad *Artis longitudinem*, & ingentem *Rerum* discendarum, actrandarum *copiam*, vix sufficere valeat, sint, qui ex professo, quod dicitur, *Principes Artis Partes* tractare, suscipiant, & *Medici* dicantur; & sint, qui *Ministras* & ipsi ex professo exercent, & expediunt, & *Pharmacopœi* ac *Chirurgi* vocentur; Ità, ut *utriusque*, quasi constituant *Oeconomiam Medicam*; illi quidem, qui *Directorium* habeant in omnibus, hi verò, qui obsequiosum *Illis* præstant *Ministerium*; quòd si jam utriusque, & *Dominus*, & *Ministri* suo fungantur officio, benè agitur, & agrotantium salutari prospicitur; Sin secus, malè; Præsertim, si invertatur ordo, &, qui debuisset esse *Dominus*, incipit esse *Minister*; & vice versa.

Porrò